

沈雲龍主編

近代中國史料叢刊

第十九輯

文海出版社
印行

近代中國史料叢刊第十九輯
沈雲龍主編

潘祖蔭年譜

潘祖年編

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料 (Primary sources of materials) 與次要資料 (Secondary sources of materials) 兩類。前者如歷朝實錄、東華錄、政治官報、大臣奏疏、外交檔案、名臣專集、函牘手札、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅編輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第十九輯

目 錄

10/18/23

潘祖蔭年譜	潘祖年編
曾惠敏公(劼剛)遺集	曾紀澤著
許文肅公(景澄)遺集	許同莘著
周中丞(少樸)撫江奏稿	周樹模撰
孫中山先生廿年來手札	鄧澤如藏
約法會議紀錄	顧 鼐編
中華民國再造史	游悔原著
王光祈先生紀念冊	左舜生等撰
解放別錄	海隅孤客著
贛皖湘鄂視察記	陳賡雅著

先兄世系具詳 先大父文恭公年譜 文恭公
四子長 伯父功甫公次 仲父星齋公次卽
先君紱庭公次 季父玉泉公 先兄爲 先妣
汪太夫人出以道光十年庚寅十月初六日生於
京都米市胡同 文恭公名之曰祖蔭字東鏞號
伯寅小字鳳笙是年 文恭公以工部尙書兼署
左都御史十二月 仲父次子生名祖福後四歲
殤

十一年辛卯二歲

十月周晬 先大父及 先君皆有詩志喜

詩存思補

齋集及陔蘭書屋集中 是年五月 文恭公調吏部尙書

庶祖母安恭人歿

十二年壬辰三歲

是年正月 文恭公署工部尙書二月署翰林院

掌院學士三月充會試正總裁八月復兼署工部

尙書十月充教習庶吉士

十三年癸巳四歲

二月 先君及 汪太夫人南旋 兄侍行寓外

大父 諡德 公第是年四月 文恭公授 體仁閣

大學士管理戶部事務充 國史館正總裁管理

兵部事務六月充教習庶吉士八月十七日 仲

父三子怡琴兄生名祖喜十二月 文恭公充

文淵閣領閣事

十四年甲午五歲

先君爲 兄定姻於平陽汪氏候選太常寺博士

鐵芸姑丈之女四月 先嚴慈挈 兄還京受業

於胡若卿先生名 清綬 是年正月 文恭公在軍

機大臣上行走

賜第圓明園娘娘廟九月 仲父中式順天榜第二十四

名舉人

十五年乙未六歲

受業於沈直之先生名慶蕃是年正月 文恭公

充翰林院掌院學士 日講起居注官稽察欽奉

上諭事件處十三日 仲父四子味琴兄生名祖保二月

文恭公管理工部事務充 東閣大學士七月

管理戶部事務

十六年丙申七歲

是年正月 文恭公充 上書房總師傅三月充
會試正總裁

十七年丁酉八歲

正月 先嚴慈奉 先祖母汪太夫人南旋 兄
侍行十月回京是年元旦 文恭公晉太子太保
十八年戊戌九歲

受業於沈也魯先生名祖望 是年閏五月 文恭
公充 武英殿大學士十二月以七十生辰蒙

全
恩賞戴花翎

十九年己亥十歲

是年 文恭公充順天鄉試正考官九月初九日
先妣汪太夫人棄養十月 仲父考取國子監

學正學錄

二十年庚子十一歲

是年 文恭公充會試正總裁二月 仲父補國
子監學正 先君中式順天鄉試第二十六名舉
人出戶部吉履庵先生 祥房

二十一年辛丑十二歲

是年 先君考取內閣中書充 國史館分校

方畧館分校本衙門撰文 仲父中式第五十八

名貢士改翰林院庶吉士十月初三日 仲父第

五子幹臣兄生名祖楨

二十二年壬寅十三歲

正月 先君充協辦侍讀二月初六日 季父長

子濟之兄生名祖謙四月 先繼妣陸太夫人來

歸

二十三年癸卯十四歲

八月受業於王鐵卿先生名嘉福是年四月二十

七日季父第二子和甫兄生名祖均七月初四

日先繼妣陸太夫人棄養十二月先君補授

內閣中書

二十四年甲辰十五歲

八月先君以汪太夫人陸太夫人靈櫬南

旋兄侍行是年仲父授職編修

二十五年乙巳十六歲

正月侍 先君北上二月到京受業於陸星農先

生名 增祥 是年八月 先君管理 誥敕房事務

十一月補中書自編咳蘭書屋文集

二十六年丙午十七歲

八月應順天鄉試挑取謄錄出倉少坪先生 景愉

房是年二月二十五日 季父第三子叔九兄生

名祖疇三月 文恭公蒙

特旨賞穿黃馬褂五月 先君充 國史館總校 季父

補太常寺博士閏五月 仲父充雲南正考官九

月 先君充 玉牒館總校

二十七年丁未十八歲

受業於錢警齋先生名世銘 是年三月 文恭公

充會試正總裁五月 仲父大考一等第四名以

庶子升用十月 先君充 國史館覆校十二月

充 文淵閣檢閱

二十八年戊申十九歲

侍 文恭公於淀園讀書正月 文恭公蒙

恩晉加十傳

賞用紫韁三月初二日 先君以 玉牒告成加侍讀銜

十月 仲父補右春坊右庶子十二月京察 先

君列一等二十一日 文恭公八十生辰 兄蒙

恩賞給舉人一體會試二十三日 季父第四子祝年兄

生名祖頤

二十九年己酉二十歲

三月隨 叔母汪太夫人南歸四月抵里始與楊

芸士戈順卿尤榕疇江浚叔諸先輩訂交閏四月

十二日葬 先妣汪太夫人 繼妣陸太夫人於

吳縣十一都下二十二圖巨字圩界石浜王山丙
向兼子午八月二十六日嫂氏汪夫人來歸十月
初三日挈眷北上十一月到京過鄒縣謁亞聖廟
觀萊子候贍族封田石刻漢食堂記 兄童年爲
伯父所鍾愛 伯父閉關謝客雖至親莫得見惟
兄歸常在側 兄北上後 伯父寄 先君書
云鳳姪雖少年而讀書作事眼明心細加以精研
閱歷吾烏能測其所至耶去北五十餘日桂際眼
邊覺得少一人未免黯然桂際 伯父所憩書齋

名也是年二月 仲父補左春坊左庶子閏四月
升翰林院侍講學士 文恭公迭次奏請開缺奉
上諭軍機大臣夙夜在公勤勞較甚實非高年所宜潘

年逾八旬公勤素著若仍令其入直不足以示體卹
著俟來歲春融赴閣辦事毋庸開缺以示朕逾格篤眷
耆臣至意欽此

三十年庚戌二十一歲

三月以 仲父充會試同考官照例迴避八月考
取國子監學正學錄二十四名九月引

見

記名受業於吳咸齋先生名

增儒

陳頌南先生名

慶鏞

始

治許氏之學

按吾

兄童年受業於朱擷筠先生

鎮洋朱先生名錫綬字擷筠盛君大士高足弟子

作令湖北鬱鬱以歿祖蔭麟霖之年奉手受教此

一編雖綺語小言而時多名理祖蔭不忍使先生

語言文字無一二存於世間輒為鏤板屋烏儲胥

聊存遺愛云從游之

年無可攷附記於此是年正月

宣宗成皇帝升遐

文宗顯皇帝嗣位六月 文恭公復瀝情具摺奏請開缺

奉

上諭本日據大學士潘

因病久未痊具摺籲請開缺

潘

四朝舊臣敦厯有年經

皇考宣宗成皇帝擢任綸扉夙夜勤勞益昭敬慎復

命充上書房總師傅前年壽躋八旬精神彊固蒙

皇考恩賚便蕃

命朕撰製詩章用申祝慶上年元旦

加恩耆舊諸臣特錫用紫韁晉銜太傅乃因夏間腰脅作
痛漸形衰病懇請解退職任疊經

手普

溫語慰留並寬予假期解其樞務曲示體恤朕卽位後召對見其體氣尙未復元諭令安心靜攝仍兩次給假俾得從容調養復奏稱病體日久醫治未能速效力懇退休情詞肫切若不允所請轉無以安其心潘 著准

其開缺以大學士致仕加恩賞給支食全俸用示朕篤念耆臣恩禮碩輔之至意欽此十二月東園兄

伯父
功甫公

子名
儀鳳得一品廕生

咸豐元年辛亥二十二歲

請業於曾文正公教以治說文先看段注第十五

卷及小徐通論並熟讀部首復治毛詩故訓傳是
年先君補內閣漢侍讀京察一等

二年壬子二十三歲

會試中式第九名貢士出錢塘許仁山先生

彭壽

房座主爲周芝臺相國

祖培

時官刑部尙書何根

雲宮保

桂清

時官戶部侍郎杜雲巢侍郎

翻

時官

兵部侍郎宗室鶴峰相國

載齡

時官內閣學士頭

場題柴也愚參也魯楚國無以爲寶惟善以爲寶
詩云晝爾于茅宵爾索綯亟其乘屋其始播百穀

賦得東壁圖書府得心字覆試二等第一名殿

試一甲第三名以出風疹先向禮部具呈臚唱未

到朝考一等第四名授職編修伯父以詩賞先有云長

安花未傳人口聞有如飛非馬來自注曾夢一客

名片有馬非二字合例讀則非馬也報馬到門自

有一種歡非奔逸之趣又是年四月季父以

文恭公重宴鹿鳴奉

旨以六部員外郎用五月仲父署國子監祭酒轉補侍

讀學士六月升光祿寺卿七月署兵部右侍郎十

一月升內閣學士兼禮部侍郎銜十二月季父

補刑部奉天司員外郎十六日 先君告假請開
缺二十日 伯父歿於里第

三年癸丑二十四歲

四月留館朝鮮李藕船尙迪來以筆相問畲兄

詢以彼土金石文字及鄭麟趾申叔舟諸家之書
藕船因舉篋中所攜陳真興王北狩碑唐平百濟
碑及桂苑筆耕以贈十月 充武 殿試受卷官
是年二月 仲父署工部左侍郎三月充會試副
考官譜琴兄以 文恭公重與 恩榮筵宴

賞給舉人七月考取國子監學正學錄是月卽補學錄缺

十一月 仲父署刑部左侍郎十二月升吏部右

侍郎仍兼署刑部左侍郎旋署工部右侍郎兼管

錢法堂事務 季父升刑部福建司郎中

四年甲寅二十五歲

正月李藕船弟子吳元柘慶錫自其國來與孔繡

山憲彝葉潤臣名灃阮賜卿福諸先輩爲文酒之

會 兄亦與焉元柘復贈 兄唐平百濟碑劉仁

願紀功碑紅流洞石刻六種真鑿禪師碑興化寺

碑文殊院記皆海東古刻也 兄由是廣蒐拓本

發憤爲海東金石錄逾年而成共二十四卷自爲

序略云諸家搜輯詳於中土畧於外域萃編惟載

目所載十餘種但列其名文不存焉朝鮮李祖默

有羅麗琳瑯考所載僅七種亦不錄全文余聞之

列水李藕船云其國以漢彭吳通緝道碑爲最古

按柳得恭二十一都懷古詩云通道碑淺沒棘榛

則碑已不在其見於史者魏正始中毋邱儉復伐

高驪其王位宮奔買溝遺元菟太守王順追之至

肅慎其南界刻石紀功而還今不知其存焉否也

百濟新羅高驪在漢晉爲樂浪元菟臨屯眞邑帶

方諸郡古刻必多有存者雖名城大邑巖關古驛

精藍佛塔屢經變置而其同豐碑斷碣爲炎風伏

兩所剝蝕村童牧豎所培擊兵燹歷劫或者存什

一於千百惟以僻在外域推拓非易因鮮流傳苟

不得有心人蒐輯之良可惜也乙卯夏居長安無
事錄而存之至高驪而止日本碑附焉亦趙德夫
錄日本國語之詞也
咸豐乙卯夏四月 又作兩漢碑表二月集癸丑

所作詞爲漣漪閣槩意又自序舊所作芬陀利室
詞是月充 國史館協修三月 仲父轉補吏部

左侍郎四月 先君以鐵錢局捐輸奉

旨賞戴花翎是月二十日午刻 文恭公薨於京邸遺摺

上奉

上諭賞給陀羅經被派怡親王載垣帶領侍衛十員即日
前往奠醊並著入祀賢良祠伊孫國子監學錄潘祖同

著賞給進士准其一體殿試翰林院編修潘祖蔭著以翰林院侍讀候補監生潘祖保著賞給舉人准其一體會試用示朕軫念耆臣之至意欽此二十八日內閣奏
謚法

硃筆圈出文恭六月 兄充 實錄館纂修八月 先君

及仲父 季父侍 先祖母汪太夫人恭送 文

恭公靈輜回南 兄亦侍行臨行作歸讀圖孔繡

山爲之序十一月 先君命 兄進京供職十二

月二十九日子刻 先祖妣汪太夫人薨於里第

五年乙卯二十六歲

正月十四日在京聞 先祖妣訃設位成服二月
輯洪文安公年譜移寓賈家胡同三月 先君兄
弟奉 文恭公 汪太夫人靈匱葬於譚經浜七
月 伯母嚴太夫人去世九月 兄充各直省鄉
試磨勘官十月充教習庶吉士

六年丙辰二十七歲

正月充功臣館纂修三月充會試同考官得士十
人洪麟綬鍾孟鴻龐掌運陳壽祺李應萃范運鵬

邊攀龍屈永清韓欽畢瀚昭黃漱蘭侍郎 體芳薦

而未售是科總裁為長洲彭文敬公 蘊章 時官工

部尚書滿洲文恪公 全慶 時官工部尚書錢塘許

文恪公 乃普 時官左都御史景東劉韞齊中丞 珉

時官內閣學士 兄業師陸星農先生同年彭子

嘉編修 秦毓 亦預分校之役在闈中作詩唱和 嘉

題畫蘭詩贈 兄云 臚聲同聽五雲邊聯藏蓬山

已數年莫遣幽芳闕空谷露華分染蔚藍天星農

先生題云蘭臺妙鏡許同採瑣院春風曉翠酣彩

筆一枝神韻逸年來青更勝於藍總裁許滇生先

生及內監試王清如觀 五月奉 祭景澄亦皆有和詩

旨補翰林院侍讀九月充 咸安宮總裁十一月初七日

奉

旨翰林院侍讀潘祖蔭著在南書房行走欽此是月寓滄

懷園

實錄慶成奉

旨遇缺題奏卽行升用十二月

賞戴花翎是年譜琴兒得館選 庶祖母張太夫人仙逝

七年丁巳二十八歲

正月十三日

賜宴同樂園

賜袍褂帽緯紫銅手爐藍玻璃瓶克食等件十五日

賞元宵以後每年蒙

賜二十四日

命和

御製對鷗舫雪望詩二首昆明曉泛詩一首二月移園寓

與許仁山先生寓鄰三月十三日南書房諸臣同

日

賜游春雨軒 涵化軒 澄心堂 暢和堂看玉蘭並

命分體賦詩

賜膳兩席中使傳述

天語問南書房諸臣已吃飯否現游至何處耶又撤
御膳以賜異數也二十一日

命和

御製觀書五古元韻二十三日恭和

御製 皇長子周歲之喜有作元韻四月初二日署 日
講起居注官初八日恭和

御製四月初七日雨詩元韻端午日拜角黍之

賜又

賜紗袍細葛香囊摺扇荷包椒串等件以後每年蒙

賜閏月二十一日

召對於勤政殿之後殿二十二日奉

旨補授翰林院侍講學士六月初七日

賜食物初九日

萬壽聖節

賜宴同樂園

賜玉如意一柄玉杯一件袍褂帽緯磁碟磁瓶等件